

神相全編

卷十三

神相全編卷之十二

宋 希夷陳搏 秘傳

明 柳庄袁忠徹 訂正

黃色吉凶相

官員法令廷尉有黃色微印堂者職皆正授也○耳堂黃色平散者官皆假擾黃色連日連印授不連金匱者只得尉驛馬飲食○色如帶發額上者遷益祿位○春黃色居印堂如濺珠主改官加職在私者得橫財七十日內應○春從眉至髮際者主大喜慶○夏至眼上及眉道路得財

凡庶○夏在眉下主得財及妻子孫有喜  
凡庶○夏在魚

尾及天倉上如錢大者改官庶人得財。高廣如絲起主  
百日內爲官長其與改舊革所食祿無厄。卽堂至山根  
準頭并中正如蒸霧盤旋者赴詔殿上近君王。命門發  
色如臥蚕或紫成各食祿不出年內。卽堂黃光七日內  
加官進職封侯拜相武臣拜將。卽堂連龍宮有色光潤  
七旬內加官。龍宮連子位黃色三日內得財。凡庶。天  
申黃色長一寸至七日拜相封侯白衣爲官僧道命服。  
喝唱上黃色向東則東方食祿隨方斷之黃色成點凡紫  
色同。喝唱上黃色秀才及第又主家信至又主移動。  
學堂上黃色文官進職武官關職得大財。邊地奸門黃

色七日內改官賞賜之喜。○內府黃色加半月者主貴人

進美食。庶人同。○眉毛上一寸為驛馬設或起脉帶黃色光

潤官至極貴品。凡庶同。○冬黃色遶口與人謀事被官厄外

州牢獄死常人同土尅水也。○冬黃色滿面主父母妻喜

及得財寶。庶人同。○冬黃上印堂下入眉頭者損長子亦主

官在私得橫財七十日內應。○司空發黃色如走蟻者春

夏內拜節度觀察使。○食倉上黃色秀才及第并主家信

至更主移動。○天中發黃色者富貴人也。○印堂發黃色

主有喜。○印堂山根至準頭并中正三陽上下有黃色紫

霧生貴子長老遷職大利。○天中四季黃白色圓光大者

重者大者在天中長一寸白衣爲官僧道命服七旬內應  
○食倉上黃色僧道主持○準頭色如鏡光冬夏不綰一  
年內遇仙○眼上肉生龍宮福堂氣盤旋者陰德之大春  
卯光一色如錢大者主得財七旬內應○地閣黃光主入  
宅之喜及進業之喜○鼻上黃光如柳葉橫發者主橫財  
入門○重眉連眉毛者春夏大喜○四煞上有色潤行岳  
勝黑色齒○甲匱有黃色八旬日內有財喜黃入正口主  
患天行疾承漿喜外甥主遠行壽上主壽○山根常黃司  
空常有並主喜中陽有先齒後吉○印堂黃點宜作善事  
○年上黃如半月大吉○顴骨武庫常見貴○目下爲房

中喜春發黃光左生男右生女喜女人有此亦無有。賊部常有宜求利。○人中有者主多年遠信至夏在目及眉上主得道路夏在眼下主子孫有喜色連鼻直上三十日內得財夏季發法令外色偏面主父母妻子喜慶。○守門部點點如錢一生無病。婦人印堂上黃橫過者二品妻位兼生貴子形厚紫黃人達晚膚薄色黃少昌貴

黃色出沒

黃色出沒如蚕吐絲將盈之時來之未結或如馬尾欲去之時如柳花之色搏聚斑駁然五行屬土土旺于四季相于春休于夏囚于秋死于冬又爲胎裏之氣發則皆喜慶

但不宜入口欲主瘟病日應在酉申寅午戌應之旬萬無  
一失須以深淺遠近爲定耳

黃色吉凶歌

黃色天中列土封圓光重入拜三公更過年上并竈部卽  
有功賞定高勲或如月出時年上天中速來入朝門若經  
兩闕司空入欲正四方金匱人天中詔賜帛與銀忽入闕  
庭官驟轉不然則是得財榮或似龍形定官賞如懸鍾鼓  
位槐庭發若蚕絲官定得春來年上喜忻忻武庫光潤將  
軍福亦主喜慶尺陽侵并母墓喜非田宅更宜父母少災  
迤司空百日得財寶右府季內勅來徵重脣交友如棊樣

七個旬中右左承更過山林天中去徽爲博士最爲榮  
堂如月六旬內拜作將軍鎮百城便似連乃天庭至不及  
準頭反分明斷他縣令及遠顯長史分官直闕庭火體發  
時多吉慶亦言遠信及逡巡山根所向皆稱遂太陽必定  
得財珍少陽喜慶垂垂過魚尾被賊引前行若似龍形年  
上見連上天中拜上卿房中之氣有子象左黃男子右女  
生女人有此反前論金匱家中財帛入壽上進業主財入  
歸來遠信至中庭出自準頭庭上位天中驟貴封侯主有  
權蘭臺必得尚書綬內厨酒肉橫逢迎大海非宜淺江去  
日月三公位顯輕日角月角是也甲價生來財可至庫內倉中似



有羸道中三位財如拾牛馬相迎喜有成眉頭印信須臾  
至座中枷鎖免嚴刑散失得他盜賊物入口瘟黃病不寧  
田位田園多好事酒樽酒饌得豐盈顴勢偏宜加官職墻  
壁黃光財帛備吊連邊地急差調武將持威立大功

紫色吉凶相

官員天中紅紫氣起者七十日得官榮及妻子上準頭如  
錢大主妻家得財或遷改職事○天庭紫氣得詔取近君  
王○天中紫氣遷八座兩府○命門紫氣不出年外成名  
○食祿左右忽有紫氣起如重形者一月內有勅命至喜  
○印堂紫氣如仰月者六十日章服至○高廣氣如半錢

者五日內有喜事。○天中發色一日奉勅拜相及節度。○  
法令紫色喜合得姬僕兼得勅命九旬內至。○準頭氣如  
偃月加官進位得好馬田宅大喜。○天中紫氣如垂鈎者  
百日內登封賜方節度賜衣錢物婦人紫氣在左右點  
點如花者主宰輔位至三品夫人。○印堂紫氣三道直侵  
司空天中上去過大赦三七日至罪人此看  
庶人得財○高廣如半  
月者五日內有喜事長男中男常有紫赤色如虫形者主  
生貴子。○帳下色如錢形者二十日成名有陰功之德遇  
災無咎婦人天中常見者爲人長壽

紫氣出沒

紫氣初出如兔毫將盛之時如紫草欲去之時如淡烟籠  
枯木隱隱然得土木之氣爲四時胎養亦旺在四季更無  
休囚發皆爲吉亦與黃色同意

紫氣吉凶歌

紫氣天中八字分蘭臺月角得財頻法令生來逢印信終  
是刑名不及身壽上俄然一字橫家中新婦喜分明天中  
八字將輝祿天井圓珠享大榮縣壁福堂知積慶若當地  
閣創家居山根忽有終加職申正如龍拜相殊光侵魚尾  
妻身喜法令如錢有美除

赤色吉凶相

官員驛馬赤色三十日除官遷職。印堂起如錢者百日  
內火厄亦主官災。地庫左右有主改官合任事遠行。  
山根如錢大者三十日內掌鹽鐵官得章服武庫赤色如  
虫形者百日內接授文武官祿。天門赤色主二十日入  
闕之喜。壽上赤色如亂絲紋主巡使行千里之外。蘭  
臺有者主一月內如章服。顴骨赤及外陽紅準頭青大  
虛動遷改。外陽紅準頭不青六十日內應。印堂色起  
從年上來者有官失職。準頭赤主在任病。凡庶人正  
口赤色主病刑獄有主官捧。眉頭有亦然。印堂至年  
上有主鬪爭械繫之厄。兩眉赤色連通九十日死。中

正有主口舌及妻子別離。內容有如二重主重服。耳邊有主驚恐。山根赤色黑色主火盜。準頭如蛆大小立有官災。邊地奸門憂妻子及伯叔內亂有血光事。天中不散或如圓日亦有刀兵之厄。天中有囚小病致一百二十日內法死。印堂有春夏三月有官事口舌及主縣杖又主臟血之疾。中男有主兒子爭訟及死了。眼下赤色亦如豆不出月內與妻鬪。人中至鬪庭主火厄。天中至年上有鬪爭械之厄。目後見有如橫絲起入奸門見赤色起主妻女兒子之厄。準頭起十日內喧爭官災之厄。色貫牢獄春夏大厄。冬從髮際至眉間

入牢獄損子。○赤正口兩邊相角相接一年內飢死。○色從神光垂下十日內喪父母。○婦人神光下如虫行奸邪厄難。○印堂直下衝入海門三十日內大厄或被惡人牽連婦人眼下如虫行不出月主刑獄及產死婦人色從左右眼下出者作奸婦人不可用也。○婦人從中正至年壽有赤主產死無子。○年上赤色或黃色如半月者大吉。○赤色上下過口者二十日內口舌至如赤色點點入口亦主口舌爭訟。○隼頭橫下赤青色橫過口者貴人求問道術事色帶桃花仍不久。○色如春花易成敗惟一時之可觀不久必變又云桃花色動仍迷目迷戀歌謳寵外妻又

云色嬌色嫩邪人也縱有成名亦不久○火色鳶肩

岑文相

馬周火色鳶肩騰上必速恐不能久必改推抑○五色之中赤色最難辨或聚真怒或驚或恐或勞心力至面色赤

俄頃欲退若不辨也

### 赤色出沒

赤色出沒如火始然將盛之時炎交如絳繒欲去之時如連珠累累而去五行爲火旺于夏相于春死于秋囚于冬發主公私鬪訟口舌驚撓之事潤主刑厄細薄主口舌鞭笞應在寅午戌并巳午未日旬則辰戌以色定之

### 赤色吉凶歌

天中連印鼻頭去三旬車馬驚同或下來年上爭競灾左

相遠行須病在尺陽切防驚恐厄澗生武庫相傷災天庭  
必有憂囚事若見司空鬪馬來交友歸來離別去在職當  
憂上位刑無職定同交友鬪額角如豆死于兵印堂爭鬪  
被憂囚若在山根驚拍擾太陽夫妻求離別年上夫妻亦  
主愁又却知他生貴子房中妻室產賢侯三男三女病災  
迤壽上如豆與妻爭年上準頭連發此夫妻爭鬪大難明  
命門甲匱須兵死準頭官府事牽縈牆壁上赤財必失外  
陽常紫得官榮武官巡捕看魚尾盜賊收擒彼稱情牛角  
看來牛馬死山林蛇虎又堪驚忽然眼下如絲發妻子因  
何問哭聲金匱好門招撓事承漿花酒起喧爭陂池井部



相連接因水逢災不稱情用宅是知田宅退口邊橫入福  
全生酒樽酒肉宜相會地閣因由訴訟成若在山根須謹  
火又兼家內橫資生命門發至山根上更過眉上左耳季  
只恐六旬遭法死如歸右耳病來頻○人面準頭上有赤  
色老人主失跌中年血光或杖罪小男女主失火災滿面  
如火官災滿面愁色初不歸二年內死○  
紅色吉凶相

官員印堂紅色或紫加官進職○印堂上紅進士有科○  
印堂紅黃色非次改官○山根紅色或紫色加官進職○  
顴骨紅色可分一寸明者八十日內受印有重權○驛馬